



Otru añu más, l'asociación cultural xixonesa Tertulia Cultural El Garrapiellu prepárase pa facer la perconocía ruta andariega ente Xixón y Cuadonga.

Una travesía que nesta asociación vien faciéndose dende va venti años, añu a añu. Son al rodiu quince mil los andariegos que tolos años, camín de Cuadonga, pasen pelos plasmantes paisaxes que-y dan forma a esta sienda. Sienda que pasu ente pasu percuere los conceyos asturianos de Xixón, Villaviciosa, Piloña, Parres y Cangues d'Onís.

La ruta Xixón a Cuadonga tien al rodiu de setenta y cinco kilómetros. La marcha entama en Xixón, más concretamente en Deva pa dempués d'unes poques xornaes, polo xeneral faise en dos díes de camín, llégase al santuariu de Cuadonga. Pa ello, hai que siguir les marques que punxo l'Asociación Cultural El Garrapiellu. Éses marques son trisqueles (tamién llamaes garrapiellos), hai dellos llugares onde se punxeron cartelos de madera.

La Tertulia Cultural El Garrapiellu quier poner tamién de manifiestu, el so interés nel sen de da-y un emburrión a esta ruta como posible motor económicu de les fasteres rurales asturianas peles que pasa, atrayendo un turismu secañosu de cultura y paisaxe. Tamién-y prestaría que valiere como noyu de desendolcu llaboral pa la xente moza, afitando asina población nos amenorgaos pueblos asturianos.

Hai dellos años púnxose, dende El Garrapiellu, munchu enfotu en facer un área recreativa en Sorribes (Piloña) nun llugar bien apegáu al camín que conduz a Parres, pa ello aconceyámonos col Ayuntamiento Piloña. Esti añu, por fin paez qu'entamen les obres, ye por ello que facemos nuesa la idea d'esi llugar onde esparder na ruta que va a Cuadonga

Esta ruta ta abierta a xente de toa triba que quiera facela con nos.

La próxima **Marcha a Cuadonga**, tendrá llugar los díes 15 - 17 xunetu. Saldráse'l **viernes 15 xunetu a les 8:00 de la mañana** dende la ponte de piedra de Deva, xunto'l llavaderu.

El **preciu** ye **80 € pa socios** y **85 € pa non socios**, incluyi una furgoneta pa chanos un gabitu coles maletes.

Darréu detallase tolo que ta dientro'l preciu:

- Nueches en y cena en Sietes/Anayu y Llames de Parres.
- Almuerzu del domingu en Llames de Parres.
- Autobús de vuelta dende Cuadonga hasta Xixón.
- Coche pa carretar les maletes.

El preciu nun incluye:

- Xintes del mediudía.
- Cena del vienres.
- Almuerzu del sábadu.

Los que teáis interesaos habéis de ponevos **en contactu, por favor, col nuesu Presidente Tino Lozano, el so móvil ye: 606.39.03.44, asina acutais plaza.**

Otru numberu de teléfonu habilitáu ye: 629176935 (Vicente)

Persona de contactu: Tino Lozano (Presidente d'El Garrapiellu)

Tlf. de contactu: 606.39.03.44